



李母張孺人輓章

梧葉飄秋倏驚時易黍苗已薦馨香姥峯忽摧

壺德遽云亡淚眼頻觀天上愈覺得婺影微茫

何日歸來化鶴華表覩翱翔坤慈更可仰古稀

將屆眾擬侑觴胡先一去姻婭盡徬徨率奠靈

前一哭製哀詞又愧琳瑯惟牽眸一抔新土母

德永流芳

右調滿庭芳

峕

毓學

號

鐘

圖書館

乾隆十七年壬申立秋後一日

姻再姪眉峰歐陽蘇頓首拜



府君仲翁大人傳

嗚呼維我 府君之棄不孝<sup>珠</sup>等而長逝也今

厯有年所矣而生平厚德未之敢忘夫以子而

譽父之美是暱也然以子而沒父之善則又不

孝之大者矣茲故慟念其實而泣識之 府君

諱永貴字仲章爲大父 大誠公四子自幼天

性篤摯孝友克敦渾然端厚之氣循循焉惟知

禮法自守而凡輕猥挑達無有也析箸後各守

田廬於族中公事其分相關誼相屬者靡不愆  
愆共襄未嘗以艱鉅辭亦未嘗以繁雜避故其  
在族也曾不聞有非議之者居恆無失言失色  
與世絕無少忤祇覺人尙輕肥獨敦古處人爭  
戲謔獨秉深沉因是拊不孝等悉諭以一體先  
人遺意凡立心制行處已接物勤儉恭恕率以  
身先俾無墜忠厚家聲爲幸素非佞佛然憫世  
俗涼薄之行殘忍之性持齋戒厭常存一片婆

心鄉里每稱爲善人云娶吾 嫡母葉孺人內

則夙嫺足襄 府君所不逮繼配吾 母王孺

人克繼其美今撰其行狀雖不免掛一漏萬而

素行之大概類如此此則不孝兄弟未敢一忘

者也 府君生於康熙貳十四年乙丑二月十

七丑時卒於乾隆九年甲子三月十一未時葬

三都二區地名蒙花嶺象形山辰山戌向元配

葉孺人生於康熙二十九年庚午十二月十五

辰時卒於雍正六年戊申十二月二十二午時

葬三都二區地名龍霞寺鄧宅後癸山丁向子

二遠瑛遠琦女一適楊繼配 王孺人生於康


熙四十七年戊子八月十五亥時卒於乾隆四

十八年癸卯正月十二亥時葬六都八區地名

石鸞坊金釵形癸山丁向子三遠珍遠珠遠瑞

女一適黎孫男七煒芳瑛出萬芳 殤琦出續芳


珍出盛芳 殤百芳器芳發芳皆瑞出孫女二一



適項珍出一許王瑞出嗚呼光昭先緒深愧未能而撫念貽謀彌增風木是用梓之家乘以時致其冰兢焉耳

嘉慶四年歲在己未仲夏月穀旦

不孝男遠珠泣識



叔父廷立公暨兄天澤傳

叔諱永才廷立其字也自伯父及我考之遷甯也叔纔數齡賴伯父及我考撫養俾至成立然不幸三十早歿娶陳氏僅育一子諱遠璜字天澤娶王氏亦不幸二十八歲身故止生三女其長二女出嫁也景山兄爲之經理其三女一切奩資則瓊實總其事媻母自丙子年瓊侍養其歿也瓊爲之家奠佛事營葬蓋無子而不啻有


子矣叔廷立原葬橫塘冲媪母陳氏原葬曾家

塘牛欄灣乾隆五十八年瓊改葬排樓冲夫婦

合冢見天澤附葬墳左修墓立碑置墓田拾貳

畝附祠公管以垂不朽

嘉慶四年歲在己未孟夏月穀旦姪遠瓊謹撰



李太翁康廷暨德配季孺人傳

李公太翁康廷以乾隆庚午年卒卜葬本邑六

都八區獅子塘山之陽越壬辰太母季孺人

踵逝厥嗣奉柩合葬於太翁之墓左今忽數

十餘年矣顧猶憶太翁之榮窆也予曾趨蹌

襄事而其言論風裁弱冠時卽屢親炙其休至

太母之賢聲亦未嘗不耳熟焉茲不揣固陋而

僭爲之傳謹按太翁爲永祿公長嗣母

毛太孺人生 太翁而蚤世痛深創鉅失恃堪

悲嗣後奉兩繼母若事所生 永祿公歿 太

翁念王繼母所出季弟尙未成立殷殷友愛毫

無間言候其婚娶而箸始析家固饒裕而節儉

自持身世酬酢間不肯輕費物力常曰非吝也

非力不足也亦欲爲孫子惜福爾遇族黨戚屬


循古處率天真不掩人是非亦不議人長短其

於舉世依阿腆忍之習有絕之唯恐不嚴者居



平私念學業早荒故於諸嗣君勤勤懇懇爲之  
延師課讀或命負笈從遊迨其後食餼膠庠觀  
光槐市孰非所以償 太翁之厚德耶嗚呼時  
當三代後習尙輕浮人爭智巧必有老成典型  
堪爲矜式斯可以裕後昆者卽可以勵末俗  
太翁真其人歟 太母季孺人賦姿慈靜歸  
太翁後奉堂上事事唯謹當 毛孺人早逝  
太母於兩繼姑亦如 太翁之無敢異視其遇

妯娌也各循禮法之宜其馭僕婢也克當寬嚴  
之道辛勤紡績人咸頌爲賢德云生平深自斂  
抑恥以華靡自御故履豐若嗇釵荆裙布晏如  
也戚友過從太母中饋攸司必豐必潔不悉  
委他人手喜佈施蓮花佛性人之沐其惠者多  
矣而橋梁道路母德與俱如石龍潭獅子塘等  
處口碑載道皆可厯厯紀也自太翁捐館舍  
漸見孫曾繞膝應可坐享天年顧老人情緒望



慮偏多凡一切家政與夫所爲後人計深遠者  
猶不忍一日少釋焉噫若太母者不誠無愧  
香奩君子巾幗丈夫哉太翁太母之生卒  
年月暨後嗣女孫俱詳列墓誌嗚呼忠厚詒謀  
世傳不替以斯之流光積厚其可不傳也耶  
嘉慶四年歲在己未仲春月中澣之吉

媿愚姪朱賢裔蔭遠氏頓首拜撰



叔祖太學生景山公夫婦合傳

公諱遠琳字景山

松

曾祖昌祿公次子也

祿

公三娶生子三元配

毛太孺人故繼配

唐

太孺人又故乃三娶

王太孺人

公則

唐

太孺人出性最孝而於異母兄翁友愛若同胞  
賦質魁梧奇偉少事詩書嘗銳志青雲以家務  
故列成均爲人豪俠好義有呼必諾不獨鄉里  
族黨間周恤其貧乏卽凡各處橋梁道路興夫

忠孝節烈廟宇樂爲解囊毫無難色

公季叔

廷立公卒子繼亡苦無後所存者僅三女

公

居相距十餘里往來顧復死則葬祭盡禮生則  
奉養無失視媡母如母視姪女如女迨長于歸  
時奩資服物悉備絕無彼此之分若權子母計  
錙銖必較 公坦如也居恆訓子課讀或筵師  
或負笈無不以光大門閭爲勸且常以敦本睦  
族相勸黽故合族建石鸞坊祠宇 公則爲之

前諸叔爲之後迄今瞻廟貌之巍峩不皆公  
慷慨急公以成其始終也哉 叔祖母范太孺  
人生自名門幼嫻姆教及笄歸 公無非無儀  
自甘浚素至情至性悉協矩規事繼姑以孝著  
相夫子以賢聞 公卒 孺人年未六旬率吾  
叔南清一元公同居合爨摒擋幾費艱辛母道  
也父道也 孺人其兼盡之也後 公二十餘  
年身體康健狀若少年孫枝愈茂門祚光昌又

何莫非 公之福澤也哉壽逾八十有六無疾  
而終

昔

嘉慶四年己未歲仲秋月穀旦

姪孫名 松 鶴友謹撰



朝選公傳

李公朝選篤於本行人也與余先兄采亭爲兒  
女戚好憶昔余過候經數日留連見其舉動端  
謹語言坦白所談論類不外治家訓子敦族敬  
宗諸大事蓋心重焉以爲是殆歸然一鄉之望  
也嘗語族人曰聞之物本乎天人本乎祖本不  
可誣也尤不可背背則株根斷絕而枝葉枯安  
賴子若孫爲矣况

聖朝孝治天下漸摩遍海甸閭里百年來或譜牒以  
收族或祠宇以奉先所在類然風教蒸蒸日上  
我竊有志焉而未逮也乾隆辛未年一日與其  
胞兄甯山堂兄景山及揚武哲明姪輩議卽刻  
期斂費興工閱數月經營定而後棟旋就顧以  
財力弱而半途廢此亦事勢之適然者也已而  
厯年日多公乃於乾隆丁亥奮然復起曰我宗  
族祠堂之舉遂如斯已乎爰獨倡弟萬選廷侯

及光四文光羣英宣猷諸姪公立合約程工估  
費按日命男綸音監修務冀完竣故自辛未至  
丁亥雖其間曠距十餘載而遙卒之功倍效速  
族之人舉欣欣然相與快觀厥成也未幾而羣  
奉主入昭穆秩如未幾而祭器具備籩豆肅如  
未幾而春秋期定奔走偕來供厥職而勩厥事  
者亦且裕如矣至其每歲兩舉祭費則概取祠  
田祠田曾被某滋訟無已公卒承父志與姪揚

武經理完其事而章程以定遂確不可動搖也

然則此舉力固資合族向非公能歷久志定獨

力主張籌畫周至其能若是之崇廟貌而光祀

典哉宜乎石壁祠堂之名迄今人猶嘖嘖也若

其處鄰里族黨間無忿言亦無倨色或遇曲直

是非之塲不隨不激一準諸情理排而解之鮮

不帖然服則其素履足徵可知矣昌黎公有言

少爲賢子弟長爲賢父兄公之謂與公其信望



重一鄉者與余故因姪倩雲翔之請樂序次爲  
傳歸之俾 公後裔知所慎守觀法焉 公諱

遠榮太學生生於康熙庚子以乾隆己丑卒享

年五十子七人炤芳灼芳煜芳燮芳休芳煦芳

騰芳 煜騰二子過撫本房配太君姓喻氏柔


惠儉勤有具德現年七十八歲

昔

嘉慶四年歲在己未之清明前三日

勅授文林郎原任直隸正定府知元氏縣事

年家姻愚弟張烈拜手謹撰時年七十有六



堂伯哲明文光公合傳

哲明公行一諱燦芳 文光公行二諱煥芳皆

叔祖先兆公之子同懷兄弟也 兩公棄世時

松尚幼兼就塾未獲深悉今國材兄任賢弟追

述冀 松一言鐫諸家乘 松以纂修不容辭 兩

公賦性溫醇居心忠厚有古君子風自幼讀書

頗奮志年十餘叔祖兆公卒 公理家政廢舉

業克自樹立知稼穡之艱難勤而且儉似嘗凜

乎無逸篇之訓者所以阡陌宏開較先人遺業

倍有加焉待人無疾言無遽色遇里黨戚屬事

若不能言及一言既發人咸樂其簡約公直乃


帖然服故夫持身以淑慎接人以和藹而奉先

尤以孝著石鸞坊創建祠宇 兩公共勸厥事

曾不聞齟齬之聲 哲公素善飲 文公則不

然居恆飲食相聚一則親聖賢笑談自若一則

踈儀狄沉靜自如伯仲間同而異異而同讀堯



箴協奏之詩可爲 兩公贈矣美哉 公也洵

所謂古君子風也獨惜 公之生也相距僅歲

餘而 公之死也相距亦不過數歲均未半百


而卒 松 不能文爰卽所述以紀其畧

嘉慶四年己未季秋月穀旦

從姪名 松 鶴友謹撰

李氏續修文譜

隋西堂



府君揚翁大人傳

府君李公諱烈芳字揚武南峯其號也

府君

之棄

松

等逝也方四十有二越今三十有六載

矣

松

於丙辰秋經理祠事頻年兼纂修家乘凡

族中有善行足錄者皆一一傳之矧

府君碩

德懿行雖不能縷悉詳載然以

松

得諸見見聞

聞者又烏能默默而不一陳其概與

府君賦

質軒昂自幼讀書卽爲師友所契愛

先大父

性嚴重於 府君不少寬假而 府君亦無不

奉命惟謹稍長出就外傳從事明經鴻音王夫

子孝廉邦百蔣夫子最久俱以大器目之爲文


不屑趨時甫弱冠受知於夏阮大宗師拔補第

子員旋食餼膠庠每逢歲科試務奪前茅正欲

圖南以期遠到而 先大父捐棄 府君年二

十餘哀毀骨立身任家政不辭厥後奉遺命偕

諸父崇節儉督農桑數載之內創就龍騰坊下



河塘田數百畝而箸始析光四紹文兩叔家下  
河塘宣猷叔與 府君家上河塘無如事冗體  
羸未幾得血疾由是功名之念淡遂告假沉吟  
抑鬱藥物未離病稍間則手不釋卷且津津然  
欲承先人志歲辛未倡族建石鸞坊祠宇櫛風  
沐雨往來籌度不惜病軀迄今瞻廟貌之巍巍  
咸稱道不置云素嗜飲飲較醉醉時陶然樂里  
中明經博庵王公爲世好邑庠生劉公伯仲爲

同覲契歲常聚首樽酒談宴每至徹曉或有以  
節飲勸者 府君曰汝不見夫杜子云一舉累  
十觴十觴亦不醉乎笑而呼童把盞不傾壺不  
止性剛直不議論人是非以事投者 府君婉  
言曲喻必俟其帖然服乃已凡奢華綺麗之習  
浮屠佛氏之說甚惡之且面斥不諱卒之鄉黨  
宗族類皆敬而愛之至於橋梁舟楫之屬募化  
者不吝解囊甲申二月朔 府君執松手泣曰

余病不能起汝趁此青春奮志芸窗無墜家聲

連床褥者閱月竟舍松等而長逝矣嗚呼痛哉

松爾時纔十齡今四十有六自恨頭顱如舊不

克顯揚以副吾 府君期望是誠不肖也倘

府君之嘉謀嘉行忍聽其湮沒不傳則又不孝

之大者也因綴數言鐫諸譜牒以垂不朽

嘉慶四年歲在己未仲夏月穀旦

不孝男名松謹撰



Faint, illegible vertical text columns within a rectangular border, possibly bleed-through from the reverse side of the page.

胞叔太學生光四公暨孀母范孺人傳

公諱照芳字光四號泉溪松父同懷弟也性最

孝而尤篤於友愛松父長公年數歲幼時出入

必偕甫就塾俱聰慧讀過即能背誦稍長漸有

文名迨松父遊庠序松公益奮志詩書松父互

相切磋松公則慤勤就正肩隨而師事之其虛

懷若谷如此以不利童試援例入成均每欲戰

棘闈一抒懷抱無何吾祖故而松父病松公攝

家政旋謀析箸經營堂構拮据靡暇俟諸凡稍

定

松

父又卽世

公病手足分離嘆曰吾遭際

若此前程無復望矣然早夜間則未嘗或離書


卷晚年尤熟於鑑史訓子姪解是非樽酒絮談

援古證今聞者無不傾服爲人仗義踈財邑有

修舉樂爲捐資鄉有募化不吝解囊里黨戚友

多沾德澤舍旁多茂林修竹需之者并不索錢

聽其採擇里中絡繹而來公悉應之無難色



與肩挑貿易非惟不佔便宜價值任渠自定迄  
今猶嘖嘖人口也素好客凡名流搢紳先生至  
有投轄之誠他如族戚與夫庸流相晉接亦無  
不款洽周旋遇喜慶壽誕尤極豐盈昔孟嘗君  
食客三千公亦未爲多讓焉 媪母范孺人  
溫恭淑慎內則無差持家務勤儉佐公讀書  
修婦道主中饋一一順公意得公歡老而  
猶績不減敬姜風上事舅姑以孝中處妯娌以

和下馭子孫以嚴內外秩然所以數十年阡陌

宏開堂堂峻宇而且男女婚嫁願了子平雖

公之力亦孺人贊助之功也吁公生有盛

德復得孺人以爲之偶宜乎其聲稱不墜絕

無非議之者公厚於松恆以讀書勸與待子

無異視松故時親訓誨知公之心術品誼見

公之文章德行足以爲後世法因搦管傳之鐫

諸牒以垂不朽并爲之讚



讚曰乾健中正坤厚柔順

公與

孺人歟出

夙定不獨親炙光儀者愛慕而不忘卽令千秋

萬世景仰焉而肅然起敬

嘉慶四年歲在己未季夏月之吉

胞姪名松鶴友頓首拜譔



堂叔一元公傳

公諱鰲芳字一元余 叔祖景山公之次子也

性最孝 叔祖景公豪俠好義於子孫輩尙嚴

公無傲志無忤言渾渾噩噩得 叔祖歡心


叔祖故妣 范太孺人朝夕奉侍尤極慇懃故

公之出深慮 太孺人倚門闔望而 公之居

家亦未嘗或疎定省依依孺慕之誠數十年如

一日且篤於友愛 公長兄南清 公擢搆家

務絕不稍參末議然出入必相隨飲食必相聚  
兄弟之間怡怡如也爲人氣度和藹或遇不平  
不與較族里皆愛而慕之素嗜飲賓客聚處一  
斗一石無成算興酣卽揮拳爭長短較輸贏其  
樂陶然旁觀者或以爲困於酒而公則瀟灑  
自如言論正直與未飲時無異吁公持身涉  
世無不出於至性至情不亦可以享大壽觀子  
若孫成立頌無疆之福也耶顧可知者理也不



可知者數也年僅四十有六竟辭塵世而逃入  
醉鄉矣松因仰慕風規執管以紀其梗概且爲  
之讚

讚曰

渾金璞玉之質清風明月之姿洵由兩間  
之正氣非徒一時之美辭雖不克享茲大  
壽必將以利夫後嗣

肯

嘉慶四年歲在己未季夏月穀旦

堂姪名

松

鶴友頤首拜撰



堂叔致和公傳

公行十二諱夔芳字致和松叔祖太學生朝選

公之四子也幼時朝公愛若掌珍甫就塾即聰

慧稍長負笈從師奮讀漸有文名若栗山若石

鸞坊祠松與公從事邑庠生慎齋戴夫子四

載松雖有叔姪之分而生則同庚也公性敏

且好學松性情又好眠公不加以斥責嘗以

竹林相期望公爲文法先輩松爲文挹時流

三五更深樽酒盤桓互相談論並不知有勢分  
形迹隄邑院試行必同途寓必同宿無如文場  
屢困 公遂墜志詩書旋爲楚臬侯書吏歷數  
年家庭骨肉慘變非常先是次兄卒朝公繼殞  
痛定之餘而長兄又忽捐棄斯時也三兄出繼  
公奉母太孺人命攜三弟克自振拔守成創業  
先緒無墮 公慷慨好義尙有贏餘可通潤焉  
若錙銖必較無爲也性恬靜遇事則議論風生

莊重中佐以詼諧抑鬱者無不解頤故里黨宗  
族皆敬而愛之素嗜飲兼好客往來名流晉接  
必欵洽盡醉而後已松嘗以節飲勸公曰死  
生有命酒何傷汝不憶詩有云酒債尋常行處  
有人生七十古來稀與吁公光明磊落豁達  
性成自應獲邀天眷戩穀無邊乃絃聲早斷再  
續鸞膠兩弄瓦而未弄璋方壯歲有餘竟赴玉  
樓作賦也耶胡天之報施善人若此也然可知

者理不可測者數 公卽不壽雖死猶生焉

昔

嘉慶四年 己未歲 季秋月 穀旦


姪名 松 鶴友拜撰



李君桂林先生傳


李君騰芳字桂林余之妹丈也憶昔余妹過門時君甫十八齡觀其氣宇冲和不立崖岸固詩所謂温温恭人爲德之基者也遂愛之慕之談論連日而別越月有八日君造余廬余以年差長矚爲文有清廟明堂之音吟詩有戛玉敲金之韻以爲是誠今日之俊秀士卽他日玉堂中人也乃相與歌詠者旬有二日臨行猶握手

不能別云無如是歲之秋 君試不售踰二年  
又不售遂決志藝武以爲彼則屈而此則伸耳  
是科仍不售不數年而 君竟棄余而逝耶嗟  
乎 君棄余不足悲獨悲 君之棄 乃翁而  
逝耳蓋翁自少而壯戴月披星辛苦備嘗構大  
廈而擴膏腴建橋梁而修庵佛與夫修葺祠宇  
及遇一切公舉靡不踴躍爭先族戚鄉里孰有  
間言歟且翁之嗣 君也原圖箕裘克紹爲百



年不朽之思 君亦當體翁之心效翁之規以  
作中流砥柱何爲召應玉樓而愬然長逝耶所  
可幸者賴翁之厚德及人留有餘不盡之澤所  
以君育二子俊秀器識非常禮祀賴以不替宗  
先藉以增榮足以慰 君之心亦足以慰翁之  
心也 君茲往矣 君死猶生矣 君亦何不  
可瞑目於九原哉余是以不揣固陋縷述巔末  
以誌 君於乾隆壬午三月五日生於庚戌三

月十二日卒得年二十有八葬鯉魚塘山之陽  
子二長名杞次名述配歐陽氏現年三十有七



昔

嘉慶四年

己未歲

天貺前一日之吉

愚內兄歐陽薰拜撰

堂弟震舒傳

弟諱名元宇震舒號春亭余

胞叔太學生光

四公冢子也名橫名楨名正名家皆同懷也

弟幼讀書多強記久則背誦純熟光叔恆致

意焉余十歲卽失怙光叔爲余慮且受余

府君遺囑延師載數余亦附從與弟相友愛

不啻同胞厥後負笈隨十數年共硯席未嘗或

離顧猶憶年廿餘弟與余從事孝廉公東園

明經公誠一兩張夫子羣英彙集勝友如雲釋  
菜後 弟益發憤晝夜不輟逮齋課亦未居人  
下兩夫子俱以大器目之無何文場屢困方壯  
歲遂廢而精岐黃業嘗曰吾不能爲名儒得爲  
名醫足矣由是杏林橘井活人旣多而需之者  
日益眾 弟不獨不厭其煩或遇貧苦親鄰且  
攜其藥物以餌之居家尙勤儉晨興夜息必有  
恆書曰君子所其無逸時凜凜焉故有事則殫



心竭力無事則嘯月吟風詩宗老杜平居著瀟  
閒小草其性情學術淳樸篤實流溢於行間素  
不善書一旦觀趙孟頫字法刻志臨摹恍惚有  
龍蛇之勢倚天假之以年潛心學業肆力居櫓  
斷不終老林下也獨恨大數難留僅登強仕而  
卒斯亦造物之適然也矣

岢

嘉慶四年己未歲季秋穀旦愚兄名松鶴友撰

李長編修文記  
 隋西堂  
 卷之...  
 李長編修文記  
 隋西堂  
 卷之...  
 李長編修文記  
 隋西堂  
 卷之...




曾祖妣李母范老孺人傳

謹按易坤之文言曰地道也妻道也臣道也地道者母成之謂臣道者忠君之謂而以妻道聯屬於其間母亦以鞠育恩勤如地之長養萬物閱歷險阻如臣之竭盡忠貞嗚乎惟我

曾祖妣李母范老孺人其深有得於坤之時義者乎蓋嘗聞之我 曾祖考紹文大人學識閎深性情醇厚尤篤於孝行 曾祖妣善體厥志

庭幃祇服誼洽倡隨且復旦戒雞鳴時以勤慎  
相爲勉勸夫何年逾壯盛而我 曾祖考已遽  
赴修文召矣 曾祖妣以悽慘悲泣痛念孤誰  
託命誰寄家庭內外事無大小誰與區畫而經  
營於是義奮激昂慨然以承家爲己任撫吾祖  
兄弟待其長撫吾祖姑姊妹待其嫁暨諸贈報  
音問款待賓親罔不斟酌咸宜無少遺憾雖不  
敢謂家增瑞慶而悠悠歲月可幸無事無何我



叔祖元書公笑辭館舍 曾祖妣痛悼之悲泣  
之以爲境遇逼人猝至於此遂乃益自奮勉率  
吾 祖楚培公攜吾 父與 堂伯爲之教讀  
爲之完娶以天之道先人之靈保聚安居頗有  
餘積因接買喻家冲荷葉塘等處田壹百餘畝  
合諸原業令吾 祖與 人望伯兩房析箸而  
合供其膳越數年又積數百金作兩股分給之  
回憶歷年來濟艱出險俾熾而昌於吾 曾祖

考則義全相助於吾 祖考兄弟則道厯母成

易曰至哉坤元我 曾祖妣洵有得於其義乎

而果也潛德幽光公心難沒嘉慶 年


賢邑侯率諸士紳舉修邑乘採選入志而我

曾祖妣一生苦心遂昭然揭於史冊矣今以續

修支譜 父謂櫟曰爾曾祖母懿行爾祖父母

及吾與爾母厯言之爾應聞之熟矣乞傳顯貴

華而不實爾盍質言以附譜末至其生歿葬向



及後嗣繁衍派系中已詳載之可弗贅

謹錄縣志

范氏李熙芳妻年廿九爲孀婦歷五十五年性  
剛直家法嚴密閨闈肅然免貧佃租而留其耕  
鄉黨族戚多仰給朝夕孫曾林立年八十五卒

肯

咸豐十一年 辛酉歲 孟夏月 穀旦

曾孫華 謹撰

璩





李公楚培大人李母潘老孺人合傳

太姻翁李公諱名材字楚培行二老大人

太

姻母潘老孺人親臺長春先生之顯考妣也自

余兄筠心與先生締兒女好余以是登龍叩謁

樽酒間與先生談論經史且兼及其家常法故

因得悉 翁與 孺人行詣卓越爲不可及也


翁英敏好讀書以屢試未售遂輟志文藝居陵

原溪澗之間採於山美可茹釣於水鮮可食日

閒暇輒淨掃窗几披閱古來經傳子史尤喜玩  
星辰纏度及康節淳風象數等書故其手輯有  
合纂通書待梓且夫經術湛深者本行所由日  
純也涵養純粹者仁恩所由益篤也 翁 先  
君子紹文老大人謝世 翁年最少謹奉其  
母范太孺人懿訓以勉恢乃考志時家益饒裕  
便好田廬不下百計每遇荒旱佃耕者乞減租  
息其有除減額尚虧歉者 翁又稱貸之俾足

其數以善全母命觀斯一節蓋篤於孝行而仁  
已行乎其間固非僅恩周族戚惠逮鄉鄰與夫  
好善急公爲足見 翁之厚德也顧吾思之善  
作者必善成 翁厚澤深仁其根極於學問者  
要未嘗不借助於 孺人之佐理也何也 孺  
人質秉幽閒性成溫惠旣笄歸 翁琴瑟調和  
歡好無間故其相夫子也炊烹雌車挽鹿雜佩  
報贈無少缺畧其事舅姑也亦如 翁之事父

母甘旨醴醢盤匱盥饋凡內則諸儀雍雍然將  
之以愉悅他如待妯娌以雍睦撫卑幼以宏慈  
以及貧苦親鄰時加溫恤至詳且盡且聞其時  
鄰里中有寡獨而兼瞽且跛者若某某 孺人  
常給以衣食且爲莊佃房屋以圖棲息蓋慈惠  
若斯之醇也夫以 翁與 孺人之行誼章章  
如是是誠所謂有美必合而萬福胥歸者與方  
今春老先生壽臻耄耋福備箕疇其令孫等或



聲蜚鬻序或名噪成均而且美濟鳳毛芳騰蘭  
桂其敷貽後人麻者正未有艾余以官署旁午  
憾不能文今接親臺先生寄函因具述所習  
聞者詳誌之以爲之傳

皇清咸豐十一年孟夏月穀旦

特授湖北荊州府石首縣正堂署棗陽縣事加十級  
紀錄十次姻愚姪賀懋樞月樵氏頓首拜撰

蘇軾十太... 蘇軾十太...

蘇軾... 蘇軾...


蘇軾... 蘇軾...

蘇軾... 蘇軾...

蘇軾... 蘇軾...

蘇軾... 蘇軾...

蘇軾... 蘇軾...



伯祖考如春公暨伯祖母曾孺人傳

自古箕疇五福得其全者蓋寡旣全矣卽未克  
盡如願而要丕爲其所累如 伯祖考太學生  
李公諱名臺字作亭號如春老大人賦質魁梧  
渾渾噩噩如良玉如精金早歲讀書不遇例入  
成均佐理家政時外侮頻臨 公毅然擗擋不  
憚勞余 曾祖首肯之 公昆季六長次兄早  
逝長幸有嗣所得繞膝而奉養高堂者惟四人

及長房孫耳厥後余 曾祖命 公與諸弟析  
箸衡宇隔二三里許 公往來問視居雖離而  
不啻合也余 曾祖父母卽世 公以家務紛  
乘未暇與諸弟朝夕相晤然亦常聚首言歡非  
終日不已蓋友愛其天性也且夫篤本原者必  
有以利後嗣 公家素饒裕而箴情以勤斂奢  
以儉克恢廓夫先疇居常亦以些窳爲後生戒  
而課讀更切殷勤故冢嗣季嗣並籍辟雍仲叔

兩君歸然人傑孫曾輩亦復蔚起其貽謀可不  
謂善與夫豪俠則多驕谿刻則媒怨

公性冲

和與人無城府氣戚里咸敬重之生平懷利濟  
遇閭里姻婭匱乏者必周恤之使各得其所尤  
好義急公飭宗祠修祖墓與夫廟宇橋梁曾不  
吝情捐助其好德類如此顧或謂 公晚年迭  
遭愁慘無乃有所闕抑知理數難憑聽之遭際  
倘以命遇偶乖輒深抑鬱則憂戚過甚者豈能

如公之壽而康耶 公體素强健年逾九旬

朱嘗假醫藥調劑優游杖履時而含飴弄孫時

而涉園成趣時而披閱岐黃星命諸書時而與


二三親舊對圍博陸以暢叙幽情洒如也夫

公之福壽康強固由德致而公之門閭光大

要自有內助之賢焉 伯祖母曾孺人 公三

娶也 孺人年及笄歸我 伯祖考敬戒無違

孟之眉桓之鹿不必拘拘師法常動中乎自然



由是 公治外 孺人治內整飭家法使肅若

朝廷凡鳩車竹馬輦駸駸無馳驟狀

孺人之

闔範可知矣且更有能人所難能者 公元配

周孺人故續配楊孺人又故遺一女 孺人鞠

育之自齟齒以逮于歸恩勤倍至不知者以爲

所自出也此固可爲巾幗風矣惜享年不永壽

僅五十有二未獲與 公齊鴻案也悲哉顧

公與 孺人備膺五福全受全歸 年常聆訓誨

每不能忘 公之懿行復不能忘 孺人之芳


徽今續修家乘承錄與鈺兩叔之命遂濡筆以

紀其概云

肯

咸豐十一年 辛酉歲 孟夏月 穀旦

姪孫華年 樹人頓首拜撰



太學生李公德輿大人德配宋孺人合傳

公諱名基字德輿號峻立韶岳父也爲太翁宣

猷公叔嗣太翁嗜讀書公善承厥志博聞強

記爲鄉先達所器重以不利童試緣例入成均


選然其志終不懈家居無事輒鍵戶披吟諸子

百家外時旁及岐黃星命諸書課後進尤極殷

勤舉比一席歲無或虛迄今諸內兄聲馳藝苑

名噪喬門孫曾輩亦英英多秀出知其所由來

者遠矣性鯁直遇事一以理斷有不是卽面斥  
其非不稍爲阿曲族里間悉敬憚之一生不陵  
人亦不爲人陵間有橫逆加者毅然捩擋毋少  
避其膽識有過人者夫人於私事奮往不顧而  
公務退縮不前者徃徃然矣 公理祠務十餘  
年其間內患外侮迭逢事故出私資以濟公用  
挺身捍禦俾强悍斂跡覬覦潛消而祖宗得以  
安妥者雖族君子同伸公憤要 公主持之力



居多不足徵仁孝之苦衷與德配 宋孺人邑

名士七峰公之孫女也 公歷仕半生 孺人

生長閨闈釵荆裙布績月紡風兢兢以勤儉自

持絕不染宦家習性婉靜兼嫻大義奉堂上孝

處妯娌和而其相夫子也尤合順正之道 岳

翁居家嚴甚事稍拂動形辭色 孺人委婉曲

承靡弗當意一時談闈範者咸嘖嘖稱 孺人

不置他若役僕婢不加苛責憫窮困不吝施與

李且續修文譜  
此又心存厚道其留餘爲不少也吁

公與

孺人往矣追憶芳規不勝景慕聊紀約畧付諸  
簡末俾後之覽者得彷彿其梗概云爾

咸豐十一年辛酉歲孟夏月穀旦

道光乙未科舉人截取知縣子壻姜鳴

韶虞卿

氏頓首拜撰

太學生李公端齋老大人暨賀太孺人謝

太孺人傳略

蓋聞璠璣之品抱璞空山蘭蕙之姿懷芳幽谷  
當時沉晦閱數十百年其潛德英風往往令人  
稱述不能置如吾太親翁諱型字端齋者殆  
其人歟公爲宣猷公季嗣家累忠厚世篤  
詩書其事先大父母怡怡愛日其愛諸昆季  
藹藹春風其待親朋戚族恂恂無間言其畜臧

獲奴僕恢恢有餘惠凡此皆公德之盛然猶未足見公烈之宏也今夫豐於境者嗇於施廉於取者節於與公獨不然一切橋梁諸大事公輒以一身董之卽貲費百千絲毫不染間有不足解囊勸之如邑之尋峯橋其尤彰著者也當事畢告成有以功推公者公復歎然不自勝此其隱德爲何如而功烈從此愈遠矣且公生平尤篤本原總理祠務公用告匱

以私貲濟之公忿難平以正氣伸之數十年獨  
力捩擋強悍無敢覬覦至今先業之藉以不墜  
者咸首稱公爲巨擘焉至於貧窶之子或告  
貸於公公因其緩急時時應焉不立券復  
不索息偶有負公者亦任之聽之以爲人生  
有財惟能恤鄰里周戚屬乃爲能用財耳不然  
雖家擁巨萬亦焉用此爲哉緬公之德溯  
公之烈宜乎次君名噪成均卓然爲一方領袖

長季兩君俱傑然人望益以孫曾蔚起祖武克  
繩其相承勿替者又曷可涯量歟 公元配

賀太孺人性嫻貞順無所於虧質秉溫恭無所  
於闕育國器三和熊晝荻絕不以姑息爲懷一  
家之中雍肅昭和順集得力於 太孺人者居  
多方冀舉按齊眉與 公偕老不料享年四十  
有二竟爾詔赴蟾宮或亦爲之惜焉繼配 謝  
太孺人待諸嗣如己出教養婚嫁倍瘁厥心戚

里皆嘖嘖稱賢 太孺人雖境處豐饒荆釵裙

布晏如也而款客延賓矜貧恤困無慳吝情可

不謂慈惠之師歟 甲素耳公與兩 太孺人盛

德久矣今因公族續修家乘特濡筆畧爲之紀

其實云

咸豐辛酉歲季夏月穀旦

姻晚邑庠生姜人 甲紹臺氏頓首拜撰

賦銀仙臥坐後人

知豐字酉然率更其姓且

其質在

無人定令因公效臨翁宋爽林諸學其於公解

不謂慈惠文福類也素在公與爾 大歸人

直學取也而楚客致奇錄為賦困無對各謝

里皆制類稱費二太歸人謝惠惠豐詩博燈



祖考李公人望大人傳

公諱英偉字人望太學生成之祖父也成生數

月公遽見背生平行狀未親炙繼祖母羅

孺人恐終湮沒莫傳也至今猶詔成而諄諄語

之焉公少孤性孝友事高祖母范孺人

曾祖母易孺人能各曲得其歡心年十四曾

祖母委公以家政處置卽井井有條雖老成

人爲之健羨布衣蔬食務敦節儉以惜福金帛

之盈虧不計也終身積產至數千金

公始志

究不及此生平尤以月旦評見重鄉黨剖析是

非指陳利害娓娓數千言無倦色必令爭訟者


彼此悅服渙然冰釋而後已先是里中有煤井

一方患苦之 高祖母稟之邑侯強梁者負氣

不肯下得神明父母嚴申飭禁始懾伏而斂跡

去 公時年十二隨 高祖母往來邑城訟則

終凶之訓已默悟焉以故務令里中無訟里中



人感 公意由是亦無復以健訟聞者中年好  
讀岐黃書嫻其術延請者戶外屢恆滿 公無  
不應風霜雨雪不以爲勞癰疽腐朽不以爲穢  
病已不責報且好以藥餌施貧乏人或有謂

公者曰 公非以此獵食者僕僕風塵毋乃勞  
甚 公曰不爲良相便爲良醫吾特恨術有未  
良耳何勞爲 祖母之語成者如此因條次而  
爲 公傳

咸豐十一年辛酉歲季夏月穀旦

孫幹

成

振南氏敬撰



李母周老孺人傳

扶輿清淑之氣不毓爲賢才必鍾爲女德夫女  
之爲德正不必示殊尤昭奇特標新領異極諸  
難得之數也天理之當然人事之極則力行之  
而確有得於其心求之女史傳中已未易觀於  
戲惟我

姻伯母李母周老孺人爲實造其境而幾無毫  
髮憾也孺人本濂溪望族姆教夙嫻箴管之

暇學讀書學識字與諸昆弟研窮簡編講求義  
理故其適 姻伯春老大人和順雍容歡諧琴  
瑟時 姻伯方習童試業負笈從師不計道里  
孺人專親問視進奉甘旨雖太姻伯太姻母主  
持家政督責過嚴而氣聲色容未嘗稍弛其愉  
悅已而 姻伯抱憾文場退主家塾督課兒曹  
糾繩嚴緊 孺人旁爲曲諭務令率教以漸幾  
於成就諸姻兄亦復雄才超邁魁冠羣能 孺

人顧之喜甚樂甚西陵之有教也起家一道又不畧於女紅矣孺人則日率其女媳勤紡績務刺繡且復訓以德言容工無少懈余同懷姊孺人第二兒媳也于歸時年甫笄孺人教育恩勤等於玉嬾此其惠逮爲何如而吾嘗推類求之禮意雍雍和妯娌也慈懷藹藹厚子姓也推與報贈周族黨也壺飧升斗恤貧困也夫積厚者流必光德隆者福自備孺人壽幾日耄

興 老姻伯案舉齊眉而且玉樹同森蘭芽眾  
茁其孫曾兒女亦復環圍膝下待其含飴  
人玩弄之眷戀之暇輒課其孫女媳閨閣工藝  
手親拮据以示榜樣否則退就明窗檢閱傳記  
雜說屢爲其家稱說以博見聞以資談笑蓋其  
丰神洒脫姍姍然了無俗氣矣歲丁巳月正望  
日雲鬣寶殿遣子登安香二侍女持幢蹴駕而  
孺人遂逝先數日整襟端坐謂家眾曰予疇昔



之夜夢坐於廳楹之間有二豎子從廳下前曰  
老母以是月望五壽終念一日就窆言訖擲掄  
大笑而去予亦驚覺家眾強慰之嘻是誠福祉  
獨異故有是應與而要其德造其極爲匪誣也  
蘭忝付葭末謹叙其生平實詣以爲之傳而不  
復紀其生歿葬向

咸豐十一年孟夏月穀旦

姻愚姪邑庠生王春蘭我齡氏頓首拜撰

賦感...

蘇...

其...

其...

其...

其...

其...

其...



節孝李母姜孺人傳

古來盛稱節孝者爲其德性堅定心氣和平凡  
經義所在自然愉快出之絕無勉強痕迹如

李母姜孺人族會祖定楚公長女年逾笄歸

李公棣齋先生甫一歲得抱男疾殤越明年先

生以華胥一夢長謝塵寰孺人痛泣絕粒誓

不欲生族會祖戒之曰汝知烈易而節難乎烈  
者慷慨赴死節者從容就義汝何不爲其難待

汝夫季弟黻臣育兒汝善撫之嗣汝夫後以符

異日

皇恩寵錫功令 孺人皇然思憬然悟於是漸解其

愁慘氣象慇懃懇摯經理中饋等事且又善事

其舅姑無少間言無祿姑姜老孺人卽世 孺

人悽慘悲痛幾無虛日然猶幸尊翁矍鑠時奉

其壽母易太孺人命續絃以爲 孺人宗主

孺人亦得以隨行進事其祖姑如是者有年無



祿繼姑朱孺人逝再繼姑雷孺人又逝嗚乎心  
非鐵石那堪此不次磨礪性卽堅剛焉耐此屢  
翻挫折庶幾哉否之上九曰先否後喜 孺人  
其自此履坦夷而絕無顧慮乎迺者歲屆癸巳  
黻臣先生棄世無嗣向所擬接撫以爲夫後者  
望止矣無如何矣維時尊翁大人憫其志矢柏  
舟而必不可無後也敦請族戚再勸 尊叔翁  
命其冢君遣次子幹祥甫過承祧而 孺人之

願遂慰無何螟蛉甫定而尊翁竟遽赴羣仙

一會孺人以冢婦而攝冢子泣服衰絰抱嬰

兒臨治喪次匍伏叩謝族戚友弔慰吁遭際苦


艱竟至是耶自時厥後孺人慮家無統攝始

析箸勤勞拮据撫弱息待其長爲之娶心勞力

瘁當局者自領之而且款待賓親必極豐潔周

恤貧苦不吝推施孺人不綦以德澤兼優而

爲女丈夫哉惟天默監其苦衷謂功成日當退



歸閩苑歲辛亥遂以瑤池會宴蹴隸仙班而又  
錫其家以駢臻福祉今嗣君雄才邁眾令孫等  
亦復嶄然頭角行見家聲丕振先緒克揚於以  
謹按其生平行詣縷述條呈仰副

聖天子扶植深心 特加

旌表而 孺人苦心孤詣亦遂以聲稱甚藉流傳於  
不朽云耳

道光辛卯科舉人候選縣正堂前掌教玉潭書

院族晚姜于岡梧村氏頓首拜撰



十一派祖妣周太孺人墓誌銘

太孺人爲周氏望族女松高祖考毓生公元配

也生長寶碁武岡嫺內則習少儀肅敦壺範及

笄歸公溫恭淑慎克盡婦道奉舅姑必敬必

戒司中饋必潔必豐公恆產不甚裕孺人

則守分安命雖出自富室而荆釵裙布晏如也

迨公以族居隘食齒繁徙居上湘閱十餘年

而公卒孺人攜諸子勛以耕讀導以儉勤

弗辭况瘁方之畫荻和丸未爲多讓故

松曾祖

兄弟奉 毓公遺命一一體 孺人意各勤爾

業克自樹立家業漸興乃卜居瀉甯之三都會


家塘基址旣立而 孺人之心亦稍慰矣無何

來甯未久壽方週花甲竟溘然長逝也今距其

時已八十年歷更七派雖未能丕振家聲而食

德服疇悉遵忠厚又何莫非 孺人深仁厚德

足以垂裕於後人也哉 孺人生於順治三年



丙戌正月初一日戌時享年六十歲卒於康熙  
四十五年丙戌九月十六亥時原葬橫塘冲乾  
隆四十八年改厝於石鸞坊之陽壬山丙向兼  
亥巳子五永洪永祿永富永貴永才女二長適  
季次適王孫枝蕃衍詳載絲圖世表中以松立  
孫何能深悉 孺人之淑德懿行猶幸 孺人  
行狀遺稿尙存尋閱之卽不啻親見之耳茲以  
譜竣因綴辭以誌之并係之銘

銘曰 石鸞鞏固粟溪縣長是爲 孺人之宅

兆永安永藏俾我後裔寔熾寔昌



嘉慶四年己未歲仲秋月穀旦

十五派孫名松鶴友謹撰

祖考昌祿公祖妣唐毛兩孺人合墓誌銘

昌祿公行二諱永祿烈之祖考也原葬上河

塘唐毛兩祖妣先葬橫塘冲壬子十月烈父叔

等遷兩孺人窆棺改厝龍騰坊閱乾隆壬午

五月又遷祖考窆棺合厝於斯父叔述祖

考性情心術創置功勳命烈執管紀之祖考

豪俠好義曾祖毓生公生祖考兄弟五伯祖

昌洪次卽祖考次美章仲章廷立諸公曾祖

自武岡攜徙湘邑時伯祖卽分爨祖考與叔祖

美章公偕兩弟仍同居 曾祖故祖考遵遺命

治家勤儉寸銖積累始有餘饒迨遷甯陸續置


產數百畝方析箸或有曰公創置若此皆其力

也作四股理應爾也祖考曰難得者兄弟易求

者田地洪兄雖未與實吾同氣連枝可漠視乎

遂分爲五惟存石鸞坊田百餘畝欲建祠其處

屢爲族屬稱道性剛毅不稍涉依阿他不具論



卽如石鸞坊訟事歷數年經數

憲

祖考與

美章叔祖百折不回敵竊囑人前來行賂祖

考正色直言以却吁祖考之識見超卓一切

因循苟且之輩當懾服之而不勝汗顏矣好施

與遇貧苦親鄰常分潤之無難色其尤著者雙

鳧數里之上有溪廣數丈每逢水泛多病涉焉

祖考與叔祖美章公心竊傷之乃鳩工鑿石經

年而橋成約費數百金鴈齒排聯形成半月雖

高車駟馬悉慶康莊而行人更無論矣橋曰花

萼取兄弟同為之義以名之也祖妣

毛兩孺

人温恭淑慎內則夙嫻相 祖考必敬必戒甘


淡素嘗無非無儀其奉翁姑以孝處妯娌以和

馭卑幼以禮待羣下以寬賢聲昭著不愧女中

丈夫烈生也晚 祖考之碩德 祖妣之懿徽

何能縷悉雖父叔傳之述之而毫端莫罄又何

能免於掛一漏萬也哉 祖考生於康熙六年



丁未九月初二未時享年六十有三卒於雍正

七年己酉二月初十寅時 祖妣毛孺人生於

康熙十四年乙卯閏五月十八 時卒於康熙

四十五年丙戌八月初一 時生子一遠琇字

康廷郎烈 父女一適楊 繼祖妣唐孺人生於


康熙二十二年癸亥四月十四寅時卒於康熙

五十五年丙申九月二十一日巳時子一遠琳

字景山 繼祖妣王孺人生於康熙二十年辛

西五月二十 時卒於乾隆十二年丁卯十月

十一 時子一遠瑗字燦瑞 祖考及毛兩孺



人合葬六都一區地名龍騰坊堆子頭乾山巽  
向公居左毛居右中則唐孺人也王別厝一山  
今附誌之并係之銘

銘曰 龍騰錯秀 雙河合流 鬱鬱佳城

公與孺人 永奠斯邱 崇四尺

時千秋 福祐並悠悠

琇房下長孫烈芳揚武謹撰

杰芳

照芳

遠琳

熙芳

男

遠琇

孫

勳芳

遠瑗

煬芳

熊芳

大清乾隆十五年

庚午歲

季冬月

穀旦

立






美章公墓誌銘

君諱永福字美章姓李氏余嘗溯其家世乃宋  
進士友直公之苗裔也 君與兄永祿昔曾偕  
居湘之谷水康熙間徙甯新安 君兄弟曉大  
義最友愛且性好利物 君自少磊落光明善  
辨論與其兄永祿一時俱爲搢紳先生所深器  
厥後 君各置業於居之南越數年家運日起  
堂構迭興而相距雖僅數里遇水長兄弟數相

過從不便乃謀建石橋於雙鳧之濱名曰花萼  
橋花萼者取兄弟同好之意也至今往來者嘖  
嘖不置云乾隆戊午 君六秩躋堂介壽者衣  
冠濟濟余亦以相知與焉題其匾曰紫氣騰新  
以贈 君乃肅然起曰某有何德敢當誦言辭  
謝者再其重自謙抑如此當是時啣盃聚歡連  
日夜以爲是誠吾邑之老成人卽他日鄉里典  
型也愛之敬之樂與留連不能已爰再拜稱觥



以祝祝畢而別越一年余膺

簡命出宰枝江公暇心目間未嘗不時眷眷於君

也居無何而君之訃音至矣嗚呼君之盛

德宜其由老而耄耄而期願以受無疆之祝胡


爲乎未屆古稀而遽傳少微星隕耶噫嘻余以

一官匏繫竟使好友如君者不克重相見其

抱恨何如矧遙遙千里一觴未獲遣人敬奠者

乎余於是宦情亦淡也越四年余尋以病告歸

里適 君嗣子遠玠遠榮造門來請爲文以壽  
諸石余雖甚固陋忝在知交不敢却也乃縷述  
巔末而誌之以垂後 君康熙戊午五月四日  
生乾隆己未十月八日歿享年六十有二葬本  
邑六都八區石壁金釵德配孺人姓張氏樸儉  
而嫻禮現年六十有四子六遠玦遠珀遠璉遠  
玠典史遠璫太學生遠瓊業儒女一適本邑王  
仁珍



銘曰 生而爲英 死而爲靈 君安於斯  
利其後人

昔

乾隆十年乙丑歲竹秋之三日

勅授文林郎前任湖北荊州府知枝江縣事

愚弟蔣邦伯頓首拜撰





李母張孺人墓誌銘

李母張孺人者 李公美翁淑配也

美翁偶

儻光明自上湘遷甯擴田疇構大廈修橋梁以  
及誨子弟睦宗族和鄉鄰美不勝舉而 孺人  
皆與有勞焉且 孺人賦質幽閒秉性淑慎而  
尤樂施與里中之受其惠者甚眾又嘗不惜重  
金修禪林佛像碧雲寺其一也若楊柳菴智慧  
菴西陵菴皆各修一尊嘗曰積善之家必有餘

慶 孺人誠可謂積善者矣至於治家則尤有  
法度績紡鍼刺時躬親之爲婦女先以故家益  
興而產益進一時見者聞者方之辛憲英李絡  
秀豈有溢詞哉乾隆初年 孺人甲週族戚咸  
製錦以祝 孺人曰壽不當祝臨期必赴梵堂  
禮佛祈筋體康健幸甚也於是修五龍寺佛像  
一尊而還後越十年乃卒嗚呼天下閨闈眾矣  
其嫻姆教而稱賢者亦眾矣今 孺人合眾賢

以爲賢是賢於諸賢足以協

美翁之賢並

足以卜子若孫之賢矣余隔居不甚遠且聯姻  
實有得於見見聞聞者因不揣固陋畧述巔末

爲 孺人誌 孺人於康熙壬戌九月二十一

日生於乾隆壬申六月二十五日歿享年七十

葬六都十一區湓塘山之陽甲山庚向子六遠

珙遠珀遠璉遠珎典史遠璫太學生遠瓊女一

適本邑王仁珍

銘曰

白雲靉黷兮

寶婺韜光

淑媛捐珮兮

彤管流芳

佳城鬱鬱兮

若斧若堂

瓜瓞縣縣兮

俾熾俾昌

昔

乾隆十八年

癸酉歲

孟秋月

中浣

姻再姪邑庠生歐陽蘇頓首拜撰



